

18 Januari 2020  
Untuk Hebahan Segera



## KENYATAAN MEDIA ISLAMIC RELIEF MALAYSIA

### **'SISTERHOOD WINTER MISSION' GALAS MISI BESAR**

Selaras dengan peranan sebagai sebuah badan bukan kerajaan (NGO) yang bertanggungjawab memberi bantuan kemanusiaan di dalam dan luar negara, Islamic Relief Malaysia menerusi skuad *Sisterhood Winter Mission* bakal melaksanakan misi kemanusiaan ke Turki bermula 18 hingga 24 Januari 2020.

Misi yang disertai oleh Ikon Kemanusiaan Islamic Relief Malaysia, Irma Hasmie dan tiga kakitangan wanita Islamic Relief Malaysia itu akan berada di Gaziantep dan Istanbul bagi mengagihkan bantuan musim sejuk kepada pelarian Syria hasil sumbangan rakyat Malaysia menerusi kempen Rayuan Musim Sejuk yang telah dilancarkan sejak Oktober 2019.

Sumbangan akan diagihkan dalam bentuk baucer tunai dan penerima akan membeli sendiri keperluan musim sejuk seperti baju sejuk, sarung tangan, kasut, stokin, selimut, tilam, plastik penebat haba, arang dan kayu api di kedai terpilih. Selain mengagih bantuan, objektif lain misi adalah untuk memantau dan menilai projek-projek bantuan Islamic Relief di Turki.

Bantuan musim sejuk Islamic Relief Malaysia kali ini bukan sahaja melibatkan pelarian Syria di Turki, malahan bantuan keperluan ini akan meliputi pelarian Syria yang masih berada di dalam Syria dan juga penduduk terjejas di Pakistan.

Bantuan ini juga merupakan sebahagian daripada pakej bantuan kecemasan di Syria yang telahpun dilaksanakan sejak krisis mula tercetus pada tahun 2011 merangkumi pelbagai sektor bantuan yang lain.

Sehingga kini, Islamic Relief Malaysia berjaya mengumpul dana sebanyak RM507,539.60 daripada RM1 juta yang disasarkan.

Untuk keterangan lanjut, orang ramai boleh melayari laman web rasmi Islamic Relief Malaysia di [www.islamic-relief.org.my](http://www.islamic-relief.org.my), Facebook *Islamic Relief Malaysia* atau Instagram *ir\_my*.

## **Mengenai Islamic Relief**

Islamic Relief merupakan sebuah organisasi bantuan dan pembangunan kemanusiaan antarabangsa yang ditubuhkan pada tahun 1984 dan beribu pejabat di Birmingham, United Kingdom. Islamic Relief berkhidmat di lebih 45 buah negara dan telah membantu lebih daripada 120 juta orang sejak beroperasi. Skop bantuan Islamic Relief merangkumi bantuan kecemasan, pembangunan mampan bersepadu, pengurangan risiko bencana dan advokasi.

Di Syria, Islamic Relief telah memberi bantuan kemanusiaan sejak tahun 2011 meliputi sektor air, sanitasi & kebersihan, kesihatan, makanan, kehidupan mampan, pendidikan, perlindungan dan pelbagai lagi.

Kini, Islamic Relief beroperasi di utara-barat Syria melibatkan kawasan Idlib, Aleppo, Hama dan Lattakia menerusi dua pejabat lapangan.

## **Mengenai Islamic Relief Malaysia**

YABhg. Tun Dr. Mahathir Mohamad telah merasmikan penubuhan Islamic Relief Malaysia pada tahun 2005, bertujuan untuk meneruskan bantuan kemanusiaan Islamic Relief di rantau Asia-Pasifik. Kini, Islamic Relief Malaysia berperanan sebagai pejabat penjanaan dana dan pelaksana projek tempatan dan antarabangsa.

Untuk mendapatkan maklumat lanjut mengenai program kemanusiaan Islamic Relief Malaysia, sila layari laman web rasmi [www.islamic-relief.org.my](http://www.islamic-relief.org.my) atau hubungi talian tetap 03-8926 3434.

Sebarang sumbangan boleh disalurkan melalui akaun berikut atas nama Islamic Relief Malaysia:

**MAYBANK ISLAMIC | 5621 4270 8704**

**MBSB BANK | 1005 0251 0000 0166**

**CIMB ISLAMIC | 860 2073818**

**BANK ISLAM | 12 029 01 006564 3**

**AFFIN ISLAMIC | 10 671 000278 4**

**BANK RAKYAT | 11080 10000 35**

atau melalui :

**CHARITY SHOPPE | TUNAI / KAD KREDIT**

Zairulshahfuddin Zainal Abidin,  
Ketua Pegawai Eksekutif  
Islamic Relief Malaysia

- Tamat-

---

Dikeluarkan oleh,

**Islamic Relief Malaysia (IRM)-Reg No: 657354-W  
A-05-1, Paragon Point, Jalan Medan PB5, Seksyen 9,  
Pusat Bandar, 43650 Bandar Baru Bangi, Selangor**

Untuk maklumat lanjut, sila hubungi **Unit Media**  
di talian 03-8926 3434, faks 03-8925 3434 atau  
emel: [Malaysia.Media@islamic-relief.org.my](mailto:Malaysia.Media@islamic-relief.org.my)

Aduan atau maklum balas: [feedback.irmalaysia@islamic-relief.org.my](mailto:feedback.irmalaysia@islamic-relief.org.my)/Whatsapp: +60196379788